

跋

伏惟我聖祖駕洛王聖德至善東方之民至今不忘讓王之
慈仁興武王之勲業德被萬民功存千秋自後經羅歷麗數
千載不億之麗遍於域中蘊之為德行發之為事業黼黻王
猷柯則士林世世不替蔚然為左海巨族豈無所本而然哉
於斯可驗醴泉有源其流也潔靈芝有根其秀也璞矣金相
國所謂王山金氏門戶王山不類則金與之俱存者正謂此
也然文獻無徵吾宗之豐功偉業美行懿蹟無由攷據豈非
一大欠事歟癸酉春族弟鳳斗氏首倡世紀三綱錄刊行之
議發通輪告遠近響應設廳于花樹亭定有司收聚各派算

予而族廣卒難會合事巨亦係慎重故拖至數年未就乃於
今夏始設校役以分派世紀為首次蒐人物司馬龍虎榜蔭
壽贈職學文儒行誼三綱賑睦亭榭等篇畧加刪潤分類合
秩卷則三也篇則十八也付諸剞劂五閱月而告竣某公之
德行某公之事業開卷瞭然孝悌之心油然而生美獨全美
於蘓氏之譜哉見今滄桑浩劫倫綱掃地而刊行此錄非但
昏衢一燭也世教重熙之消息顧不在茲歟惟願食宗家家
奉覽聿修祖德勿替引之吾宗之昌大可指日而待矣此宣
三王陟降之靈默佑者耶斯役也以僉宗氏之誠力數千年
未遑之舉得成於今日則其所慶幸無容議為而鳳斗一心

協誠中道先逝當此竣役之日益切痛惜矣何幸其賢李正
斗甫胤容台繼其遺志克勤乃終且泓宗相勲浩禎永奎四
氏終始幹盍極費心力卓乎其誠也不勝欽敬矣僉宗以余
忝在董事之末俾述一言置之卷端彝性所感不敢以不文
辭敢書顛末如右云爾

乙亥蜡月下澣後孫在坤盥手謹書

夫三綱天之經地之緯也人而無三綱人無以爲人國而無
三綱國無以爲國矣維我東邦文物煥然有小萃之稱者以
其有三綱故也我金自駕洛聖祖以聖德至善作成根基以
後璿源餘派流長而潔自羅經麗至于今數千年後承趾武

男則忠孝女則貞烈不忝先德故若舉我東名門大家則我
金必與焉根深條達斯可推知也但文獻無徵難可會通吾
姓之懿蹟則先輩常以此爲慨矣何幸癸酉春先兄鳳斗氏
與宗丈泓宗及在坤氏爛商協謀首發世紀三綱錄創刊之
議通告各派收聚單子于花樹亭事未半而先兄遽罹難醫
之瘳臨終遺誡于余曰我今死矣汝須代幹刊事俾無一簣
之歎則死且瞑目云云顧此蔑劣受誡以來舉羸力詘夙夜
憂懼矣挖至今夏始設校勘之役補漏刪漫付諸剞劂今纔
告竣吾姓慶幸莫此爲大而庶可慰先兄泉下之靈矣悲喜
交摯不知所云竊惟得姓以來初有之盛舉竟成於倫綱歟

絕冥行擿埴之日非但爲我金海氏一家之寶鑑而止耳世
之不忠不孝不烈之輩奉覽此錄必將知愧而有所感發秉
彝之性矣抑亦世教陽復之漸歟斯役之成也泓宗氏之終
始賢勞議無容爲而且在坤相勲浩禎永奎四氏之誠勤是
亦欽敬不已也余當竣功之日追慕先兄益切故不揆僭
杖淚搆草敢露衷赤也至於編次節目泓宗在坤兩氏之序
與跋已詳矣更不贅說焉

乙亥除前二日後孫正斗謹識

右吾先君殫誠極力而先倡三綱錄也嗚呼痛哉先君惟吾
金自駕洛聖祖誕敷以後經羅歷麗至于今上下數千載間

人物道學文章德業仕宦履歷三綱行實何限殫屈而不億
之麗校分派別千轍萬塗殆遍域中難可會通終至杞宋之
無徵庸是憂懼將裒蒐各派簞子合編成秩以圖不朽為已
任勞心焦患者久矣何幸癸酉春與宗中長老合謀同力發
通遠近各派宗中定有司收聚簞子于花樹亭挖至數年校
讐正本分類彙編一一計畫克終之望萬無一疑好事多魔
古所有之先君遽罹難醫之瘳未遂志事而離世何其痛極
哭擗之餘惟恐先親血誠始倡之事歸於泥灰中幸賴宗大
泓宗氏一心協贊開校五閱月始克竣功嗚呼痛哉我金數
千載未遑之舉今而得成何其慶幸吾父數十年殫誠之事

今而告竣何其慶賀嗚呼痛哉此錄也非但吾金一家之寶
鑑世之不忠不孝不烈之輩奉一開覽必有所感而興起秉
彝之性也然則其於世道豈無少輔云哉余當竣功之日思
親之痛氣塞哽咽不揆僭妄攷浹構草敢露赤衷矣至於編
次節目長老之序與跋已詳矣更不贅焉

乙亥除前二日後孫容台謹跋

歲癸酉春宗中長老會同于花樹亭講修敦睦之餘秉彝之
性油然而發相與語曰吾宗之會於此者莫非三王後矣然
則三王孰不追慕乎夫人之生於世也盡是三綱中矣然則
三綱豈可須臾忘耶竊惟吾金自得姓以來數千年間名公

巨卿異行美蹟何限殫屈而不億之麗殆遍域中難可會通
終至杞宋之無徵豈不痛哉哀蒐各泚篋子合編成秩以圖
不朽豈非吾宗中希望乎僉宗曰諾於是推鳳斗首倡泓宗
在坤浩楨諸氏協謀同力發通遠近收聚篋子掇至數年事
未半而鳳斗先逝痛矣惜哉此將奈何幸矣泓宗氏一心誠
力周旋不倦乃於今夏始設校役分類彙編釐為卷者凡三
冊十八篇也付諸剞劂五閱月而竣功吾宗之慶幸莫此為
大焉是役也克終於泓宗氏卓乎其誠也余忝在董事之中
矣不勝欽頌敢書數語如右云爾

乙亥除前二日後孫南斗謹跋

金海金氏

九十八派錄

金寧君

諱收卿派

二世

三世

四世

五世

六世

中收卿

子普

子到門

子觀

子孝源

子震叙

字君伯登第

官三重大匡

封金寧君亞

中大夫輕車

都尉臨海侯

高麗忠惠王時

立朝

配貞烈夫人安

東權氏父吉

昌君晉○墓

松岳山

字德虞號中

岡官忠勤亮

卿同德補理

功臣三重大

匡門下府都

僉議左侍中

金寧府院君

謚忠簡公事

載勝覽高

麗史本傳曰

金普金海府

人忠靖朝知

字大允本

朝奉常大夫

三司副使引

建副使尚書

配唐城夫人南

陽洪氏父判

書復琪祖花

山君順曾祖

忠正公子藩

外祖平章事

興寧君慶州

金昌子○墓

官奉常大夫

戶曹摠郎

贈戶曹參議

配玄風郡夫人

郭氏父苞山

君郭○墓蛇

洞右卯坐合

窆墓表九代

孫黃海監司

洪福拱

字德芳

皇明洪武庚戌

生癸酉文科

承文院校理

兵曹參判

配江陵劉氏父

府使統祖王

川府院君敞

曾祖判兵部

鳳外祖侍郎

平壤趙縉

子震光

子震華